

Оммавий оферта (шартнома)

Тошкент шаҳри

2023 йил 15 июнь

«Kibernetikada innovatsiyalar IT-parki» МЧЖ номидан Низом (Устав) асосида иш юритувчи Директори Хамзин Альберт Алмазович (кейинги ўринларда – «Ижрочи» ёки «Оферент») томонидан, барча асосий ва муҳим шартларни ўз ичига олган, жавоб қайтарган ҳар қандай муомалага лаёқатли жисмоний шахслар доирасига Ўзбекистон Республикаси Фуқаролик кодексининг 367-модда, 369-модда 2-қисм ва 370-моддасига мувофиқ хизматлар кўрсатиш тўғрисида мазкур оммавий оферта (кейинги ўринларда – Шартнома)ни таклиф этади.

Мижоз томонидан ушбу Шартномада кўзда тутилган ҳаракатларнинг бажарилиши, унинг қуйида келтирилган шартларга сўзсиз розилиги (акцепт)ни англатади. Оферта қабул қилинган вақтдан бошлаб Шартнома тузилган ҳисобланади.

Оферент ўз хоҳишига кўра, ўзаро мунобатларда фаолиятни Ўзбекистон Республикаси қонунчилигига мос равишда ташкил этиш ёхуд қонунчилик ҳужжатларидаги ўзгартишлар туфайли юзага келган вазиятларда ушбу Шартномага чекланмаган тарзда ўзгартиришлар киритиш ҳуқуқига эга. Бунда киритилган ўзгартишлар, оммавий оферта сифатида Ижрочининг cyberscience.uz расмий сайтига жойлаштирилганидан уч кун ўтгач, Шартноманинг олдинги талқини ўз кучини йўқотиши билан кучга киради.

Шартномада тўғридан-тўғри кўрсатилмаган барча ҳолатларда томонлар Ўзбекистон Республикасининг амалдаги қонунчилик ҳужжатлари ва иш муомаласи одатларига асосланиб ҳаракат қиладилар.

I. Шартномада фойдаланиладиган асосий тушунчалар

1.1. Мазкур Шартномада қуйидаги асосий тушунчалардан фойдаланилади:

- **«оммавий оферта» (таклиф)** – Ижрочи томонидан ҳақ эвазига ташкиллаштириладиган ва ўтказиладиган «Python дастурлаш асослари ва сунъий интеллект» (давомийлиги 64 соат, маърузалар, амалий-тренинглари, мунозалардан иборат) ўқув курсида ўқитиш - таълим хизматларини кўрсатиш бўйича йўлланаётган таклиф;

- **«акцептант»** – Ижрочининг Шартнома тузиш ҳақидаги оммавий офертани қабул қилувчи тараф (муомалага лаёқатли жисмоний шахслар ёки уларнинг қонуний вакили);

- **«акцепт»** – Ижрочи томонидан оммавий оферта юборилган шахснинг уни қабул қилганлиги ҳақидаги жавоби, мазкур Шартномага асосан оммавий офертага мувофиқ кўрсатиладиган хизматлар учун ҳақ тўланиши акцепт бўлиб ҳисобланади;

- **«хизматлар ҳақи»** – Оферент томонидан «Python дастурлаш асослари ва сунъий интеллект» ўқув курсида ўқитиш - таълим хизматлари ҳақи ҳар бир иштирокчи (акцептант) учун **9 000 000 сўм** (ҚҚС билан) миқдорда белгиланади ва Ижрочининг банкдаги ҳисоб-рақамига тўланиши орқали амалга оширилади;

- **«хизматлар кўрсатиш жойи ва муддати»** – оммавий офертага асосан кўрсатиладиган хизматлар жойи: Тошкент шаҳар, Миробод тумани, Тарас Шевченко кўчаси, 20-уй манзили бўйича, хизматлар кўрсатиш муддати эса ўқув гуруҳлар шакллантирилишига боғлиқ равишда келишилган кундаги муддатларда амалга оширилади, бу ҳақда акцептантга Ижрочи ёхуд у вакил қилган шахс томонидан электрон алоқа, почта, телеграмм ёки телефон орқали қўшимча маълумот берилади;

• «маълумотлар алмашиш учун алоқа ва/ёки манзил» – 100000, Тошкент шаҳар, Миробод тумани, Тарас Шевченко кўчаси, 20-уй; e-mail: info@cyberscience.uz; Телефон: +998(99)0288988

II. Шартнома предмети

2.1. Ижрочи Шартномага мувофиқ оммавий офертага акцепт билдирган муомалага лаёқатли жисмоний шахслар ёки уларнинг қонуний вакили бўлган шахсларга хизматлар кўрсатиш жойи ва муддатида «Python дастурлаш асослари ва сунъий интеллект» ўқув курсида ўқитиш - таълим хизматларини кўрсатиш мажбуриятини олади.

2.2. Мазкур Шартнома акцептант томонидан хизматлар ҳақи тўланган вақтдан бошлаб кучга киради. Акцептант хизмат ҳақи тўлангандан сўнг қуйидаги маълумотларни маълумотлар алмашиш учун алоқа ва/ёки манзил бўйича 5 кунлик муддатда тақдим этиши лозим:

Ф.И.Ш.	Алоқа учун электрон почта ёки телефон рақами	Хизмат ҳақи тўланган сана ва суммаси
--------	--	--------------------------------------

Мазкур маълумотлар акцептант томонидан тақдим этилмаганлиги оқибати хизматлар кўрсатилмаганлиги ёки хизматлар кўрсатиш жойи ва муддати ҳақида қўшимча маълумот берилмаганлиги ёхуд акцептант турли сабабларга кўра «Python дастурлаш асослари ва сунъий интеллект» ўқув курсида - таълим хизматларининг кўрсатилишида иштирок этмаганлиги учун Ижрочи жавобгар бўлмайди.

2.3. Шартнома акцептланган вақтдан бошлаб тўлиқ юридик кучга эга бўлиб, акцептант томонидан имзоланиши талаб этилмайди.

III. Ҳуқуқ ва мажбуриятлар

3.1. Ижрочи ва акцептант Шартномада ҳамда амалдаги қонунчиликда оммавий офертага нисбатан белгиланган нормалар асосида ҳуқуқ ва мажбуриятларга эга бўладилар.

3.2. Томонларнинг ҳар бир ўз мажбуриятларни бажариш билан боғлиқ харажатларни мустақил равишда қоплайдилар.

3.3. Ижрочи акцептант томонидан Шартноманинг 2.2.-бандида белгиланган мажбуриятлар ўз вақтида бажарилгандан сўнг оммавий офертага асосан хизматлар кўрсатиш жойи ва муддати ҳақида камида 3 кун олдин маълумот бериш мажбуриятини олади.

3.4. Акцептант 1 (бир) ой ичида узрли сабабларсиз, ташкиллаштирилган «Python дастурлаш асослари ва сунъий интеллект» ўқув курсини ўтказиб юборган тақдирда, Ижрочи Шартномани бир томонлама бекор қилиш ҳуқуқига эга.

3.5. «Python дастурлаш асослари ва сунъий интеллект» ўқув курси бўйича машғулотларда қатнашган ва ўқув курсини муваффақиятли тугатган тингловчиларга сертификат берилади.

3.6. Шартноманинг 3.4.бандида кўрсатилган ҳолатлар юз берса ёки тингловчилар ўқув машғулотларига сабабсиз қатнашмаса, шунингдек ўқув жараёни даврида муддатидан олдин кетиб қолган тақдирда у, тингловчилар сафидан четлаштирилади, сертификат берилмайди ҳамда ушбу Шартноманинг 1.1.-бандига асосан акцептант томонидан тўланган хизмат ҳақи қайтариб берилмайди.

IV. Кафолатлар

4.1. Ижрочи ва акцептант мазкур Шартнома тузилиши учун барча ваколатга эга эканликларини ва Шартнома томонларнинг ҳақиқий хоҳиш-иродаси асосида тузилганлигини,

мазкур Шартнома тузилиши бошқа шахсларнинг қонуний ҳуқуқ ва манфаатларига зарар етказмаслигини, шунингдек учинчи шахслар томонидан эътирозлар билдирилган тақдирда ушбу эътирозларни мустақил равишда ва ўз маблағлари ҳисобидан ҳал этилишини кафолатлайдилар.

V. Молиявий шартлар ва ҳисоб-китоб шартлар

5.1. Акцептант Ижрочига оммавий офертага асосан кўрсатиладиган хизматлар ҳақини Шартноманинг 1.1.-бандида кўрсатилган миқдорда мазкур Шартномага асосан кўрсатиладиган хизматлар ташкиллаштирилиши муддатидан камида 5 кун олдин тўлаши лозим. Ижрочига акцептант томонидан оммавий офертага асосан хизматлар кўрсатилиши учун ҳақ тўланганлиги (акцепт)ни тасдиқловчи ҳужжат нусхаси тақдим этилиши лозим.

5.2. Оммавий офертани акцептлаш учун Шартнома шартларини бажариш юзасидан қилган ҳаракатлари (тегишли суммани тўлаш ва ҳ.к.), агар қонун ҳужжатларида бошқача тартиб назарда тутилмаган ёки кўрсатилмаган бўлса, акцепт ҳисобланади. Бунда акцепт қонун ҳужжатларида белгиланган тартибда ва муддатда чақириб олиниши мумкин.

5.3. Шартномага асосан томонлар, ўз зиммаларига олган мажбуриятларни (оммавий оферта бўйича хизматлар ҳақи тўланишини ва хизматлар тўлиқ кўрсатилишини) лозим даражада бажаришлари шарт.

VI. Тижорат сирини сақлаш

6.1. Ижрочи ва акцептант мазкур Шартнома шартларини бажариш билан боғлиқ, бир бирларига тақдим қилган тижорат сирини бўлган маълумотларнинг сир сақланиши учун барча зарур чораларни кўрадилар.

VII. Низоларни ҳал қилиш

7.1. Мазкур Шартнома мажбуриятлари бўйича томонлар ўртасидаги низолар ҳамда бошқа баҳсли ҳолатлар юзага келган тақдирда томонлар уларни ўзаро музоқора йўли билан ҳал этиш учун барча зарур чораларни кўрадилар.

7.2. Низолар ва бошқа баҳсли ҳолатларни ўзаро музоқора йўли билан ҳал этилишига эришилмаган тақдирда, улар ваколатли суд идоралари орқали амалдаги қонунчиликка мувофиқ ҳал этилади.

VIII. Шартноманинг амал қилиш муддати

8.1. Мазкур Шартнома Оферент томонидан йўланган таклифга акцептант жавоб қайтарган (акцепт билдирилган) вақтдан бошлаб кучга киради ва мажбуриятлар бажарилган (хизматлар тўлиқ кўрсатилган) вақтдан сўнг бекор қилинган деб ҳисобланади.

IX. Бошқа шартлар

9.1. Томонлар ўзларининг мазкур Шартнома билан боғлиқ муносабатларга алоқадор турар жойи, манзиллари, ҳисоб-рақамлари билан боғлиқ кутилаётган ўзгаришлар тўғрисида ўз вақтида маълумотлар алмашиш учун алоқа ва/ёки манзил орқали бир-бирларини хабардор қиладилар.

9.2. Мазкур Шартнома бўйича ўз мажбуриятларининг тўлиқ ёки қисман бажарилмаганлиги учун томонларнинг ҳеч бири жавобгар бўлмайди, агарда мажбуриятларнинг бундай тўлиқ ёки қисман бажарилмаслиги сабаби бўлиб, сув тошқини, зилзила, бошқа табиий офатлар, шунингдек уруш ёки исталган турдаги ҳарбий ҳаракатлар,

террорчилик, ҳукумат томонидан чеклашлар ёки ушбу Шартнома тузилганидан кейин юзага келган - кўзда тутилмаган бошқа объектив ҳолатлар бўлса.

9.3. Бўлимларнинг номлари, тушуниш қулайлиги учун қабул қилинган ва юридик жиҳатдан асл маънога эга эмас.

9.4. Мазкур Шартнома билан тартибга солинмаган, аммо мазкур Шартнома предметига алоқадор шартлар ва муносабатлар Ўзбекистон Республикасининг Фуқаролик кодекси, «Хўжалик юритувчи субъектлар фаолиятининг шартномавий-ҳуқуқий базаси тўғрисида»ги Қонуни ва амалдаги бошқа қонун ҳужжатлари билан тартибга солинади.

Х. Ижрочининг реквизитлари

«Kibernetikada innovatsiyalar IT-parki» МЧЖ

Почта манзили: Тошкент шаҳри, Мирзо Улуғбек тумани, Дўрмон йўли кўчаси, 31-уй

IT-парк манзили: Тошкент шаҳар, Миробод тумани, Тарас Шевченко кўчаси, 20-уй

х/р: 2020 8000 8053 3865 4001 АТ «Алокабанк» Миробод филиали

МФО: 00401, ИФУТ: 62090 СТИР: 308121587 Тел: +998(99)028 89 88

Директор



А.А. Хамзин